



蟻螿集卷之四



黎陽盧 柎次梗著

同邑孟華平明瑞校

長清張其忠伯蓋梓

詩

懲咎詩并啓一首上大名張太守鄧西吳

吏部少槐李翰林東崗

柎頓首啓拘幽五載二靈未塋兩稚繼死宗祧
有糝食之憂日夜悲號煩懣經鬱播為不仁啓

蟻螿集卷之四



黎陽盧 柁次梗著

同邑孟華平明瑞校

長清張其忠伯畫梓

詩

懲咎詩并啓一首上大名張太守鄮西吳

吏部少槐李翰林東崗

柁頓首啓拘幽五載二靈未葬兩稚繼死宗祧
有糶食之憂日夜悲號煩懣經鬱播為不仁啓

偏枯之漸蓋志塞則神瞽氣秘則形緩可以宣
龢神氣滌蕩邪穢遭遁世而無悶者取要羣音
聲焉是故言之不足則發之以詠嘆詠嘆之不
足則彈之以詩賦然楚恭寤言隆以美謚子服
補過儕為上大夫古之君子過如日月之食更
也人皆仰之詩賦之作宜莫近於自訟也已鄉
昔柙引見御史臺時諸公神明察柙寃誣力挽
之不出夫並物茂育者天地之化也燭微垂光
者日月之明也矜愚兼養者慈父之仁也潤物

無跡者元老之器也聖澤汪濊時雨灌沃枯槁
之民蒙被滋潤勵結草之思懷刻骨之銘晝夜
寢食一夕匪懈第以天網難於頻解人心可以
道固沉緬垢顏追思臯矣跣足嶮嶇游志坦夷
文之禮樂以從事羣春秋大改過之訓望風承
顏馳精羽麾傾聽鍾鼓刀鋸之警歛若遺矢作
懲咎詩一首走獻下里淫哇無足採擇祗據下
情云爾柙不勝悚懼頓首頓首其詩曰
於皇明祖曆數在躬龍翔淮甸鳳跼金陵

偏枯之漸蓋志塞則神瞽氣秘則形緩可以宣
齎神氣滌蕩邪穢遭遁世而無悶者取要虜音
聲焉是故言之不足則發之以詠嘆詠嘆之不
足則彈之以詩賦然楚恭寤言隆以美謚子服
補過墜為上大夫古之君子過如日月之食更
也人皆仰之詩賦之作宜莫近於自訟也已邇
昔枏引見御史臺時諸公神明察枏寃誣力挽
之不出夫並物茂育者天地之化也燭微垂光
者日月之明也矜愚兼養者慈父之仁也潤物

無跡者元老之器也聖澤汪濊時雨灌沃枯槁
之民蒙被滋潤勵結草之思懷刻骨之銘晝夜
寢食一夕匪懈第以天網難於頻解人心可以
道固沉緬垢顏退思臯矣踈足嶮嶇游志坦夷
文之禮樂以從事虜春秋大改過之訓望風承
顏馳精羽麾傾聽鍾鼓刀鋸之警歛若遺矢作
懲咎詩一首走獻下里淫哇無足採擇祗據下
情云爾枏不勝悚懼頓首頓首其詩曰
於皇明祖曆數在躬龍翔淮甸鳳跼金陵

哲后繼啓寔為 太宗滌宇沙漠定鼎北平
鳥肇跡篤生我皇文思欽明武烈威揚九壤流
化八葉載光越商軼周方軌於唐赫々明聖鑒
臨下土閱茲藩魏在漳之許政狎民逸不克時
叙咨汝宰臣孰寧予處天官曰都張公臣隣懿
思淵塞邁德種勲三揖緇衣五馬白脣錫汝淮
陽以優王實曰若李公維帝喉舌逆鱗補袞持
稷糾契執憲匪回萬夫之特投章出郊藩北南
國曰維吳公環拱紫微縣衡泰垣曳履龍墀三

台中折駭標天維懷珖之屏絕景超輝象服有
韡式讌嘉會劔履雲行徽章霧麗丹霞扶軒流
飈承珮相協天人調和鼎鬲振舉顏網綜釐群
紀肅肅公徒峩峩俊士有懷克綏無頗不圯神
人胥悅黃耆稱美繫余小子髫鬣載年園彼橋
門執經陳虔虞磬玉鬯琴瑟洞絃官師傲甚我
弼我愆嗟余小子般樂肆射禽色交荒曾匪日
夜日居月諸忽焉代謝長老有言固而弗化履
霜堅冰積雪維霰福始禍基致毀匪媢臧獲跋

卷之四
三
扈監牛之漸駕言鉏挺構茲竒怨誰其為梗職
此厲階行人牽牛邑人之蓄匪曰狡狂孰為斯
媒沉思窳圉遐不愴懷蹇蹇王臣侯來於京雲
馳四表雷動八紘霜飛天鉞秋冠烈纓如追放
豚寘余典刑群公穹燭察我寃隱灑以甘露潤
此槁軫爍燹燎原撲滅可近三宥弗張六極迭
敲犴狴勿密纏牽永殛卧無曲肱行有顛踣日
星安施違此昏墨維紐之儼與余偃息大夜何
長佇視虛照魑魅傲僇既頻亦笑招之不来迨

運入廟非予作孽斯烏取造瞻彼衛澳有蘋有
繁祁祁士女大珮瓊璠以嬉以游俯仰如神豈
不爾懷畏此棘垣麋鹿榛榛帟豹徑徑號走曠
野齧肉茹糜夫我無食不如爾怡歆往同群騶
虞在遠伊禽之介黃鵠其羽千里一息不遑寧
處蕩蕩玄霄儔克與伍有泚厚顏莫不能舉噫
噫鴻鴈喙喋江湘弋人何慕實汝瑤觴汝之匪
覲亦自云已罪豈補盧俾我悲傷何我人斯不
如獄草晨光朝晞零露夜灑草之油、孤秀斯

寶嗟予小子胡不自好嚴父辭堂慈母去闡二
靈並暴風雨中摧園幽五稔誰掩葛藟心膾慘
傷髮膚當乖兩稚失怙咨命不永厥緒斬髮誰
繼余統馬牛風埏牧豎登隴萬歲千秋涕下如
縷妻孥牽裙將柰若何我有嚴刑惶恤其佗生
當來歸死當長嗟茲其余辜怨豈在遐諤三公
奕世夔龍投分紹運駢翊帝秉力侔造化志與
神通何惜覆盆照此微躬蠢爾黠虜窺我華闕
願投有畀親冒矢石塞旗瀚海奮劔沙磧雷轂

鴈門電掃張掖捐軀國難解頤龍鱗血化為碧
膏塗缺斤薄劣既弛少謝陶鈞死雖一轍肝膽
殊分天未悔禍憂心煩勞懷賢如渴德音式昭夢
寐赤烏仰止嵩高王澤弗竭鑒我時髦

雜興五首

輕車載脂良馬且閒于盤干游乙覽山川綠蘿
高林鳥鳴關之神逸志悅踞石飲泉劃然長嘯
鳴谷振烟青雲何意翱翔我前欲擊以登條然
上天整巾頓纓薄暮言還

魏之蒼山湯之洪河鳥集于林魚游于波飛潛
攸揚物謂爾何遵彼修陵顧景高歌手弄賜熙
神渝天和日月迅邁胡為蹉跎
採之石華薄言江沚婉美者誰中州之士日余
有成惠若桃李遺我九垓倏忽千里澹然遐思
俱茲流駛

揚旌衛阪弭蓋崑丘礪齒石林洗耳滄洲仰屬
歸雲俯鑑川流從彼物化操我虛舟冥心大壑
超然神游是謂維何列子好仇

月生蘭圃雲流華軒微風扇閨曲池有瀾旨酒
既清嘉穀且瞻爰御琴瑟一鼓再彈申此徽音
懷我所歡永言莫晤云何吁嘆

五言古詩

叙隱五首

仙槎隔溟渤天漢嗟無梁桂樹含丹葩瑶草限
年芳我生無羽翰翻飛不能翔攬衣步霄月撫
劍臨秋霜欲問嚴君平此事何渺茫
伯陽柱下史曷倩金馬門大隱在朝市何勞避

世喧和璧與隋珠，慢藏盜斯存。投售一失所，按劍足已捐。徒為惻丹心，悲來胡能言。

鳳鳴千仞岡，苞綵麗天雲。高士有竒姿，光華揚紫氛。蘭蕙樹百畹，琅玕植千尋。託跡在巖阿，悲嘯有餘音。歌終忽不見，杖策為郢林。

逸翮奮霄漢，高步躡天關。寒衣在樹塗，長風吹海濶。瓊樹繁游鏹，瑤華代朝飡。恣情戲靈景，靜嘯皆鳴鳶。浮世信汙濁，焉能濡余翰。

幽人何髣髴，乘化游丹谿。雲裾佩瓊璫，焱轂馬蒼螭。揉弄綠蘿煙，蹀躞紫霞輝。薄言佇山樹，璨齒修羽儀。高舉謝塵寰，長揖答夷齊。

雜詩七首

迴陰翳朝日，薄寒屆級微。霜綠池潛游，鱗飛鳥歸林。翔北風吹蕙，惟馨日香發。我堂攬衣下，堦除履履獨。徬徨豈無芳草思，欲寄愁春陽。憂來人莫知，悲憤結秉腸。山韞玉含輝，川沉珠媚光。所願崇明德，別離何足傷。

皎々明月光，照見東大樓。天風吹綺疏，櫺軒一

何幽上有憂思婦顏顏懷良儔中夜鬱長嘆悲
嘯含清秋借問怨阿誰不語彈箏篴清商激中
曲音響何淒湫大絃回陽春小絃咽泉流精誠
逾金石烈思揚清謳蟋蟀鳴金閨霜霰披梧楸
日月迅推轂鉛華安久留願為梁間塵隨風入
君憐

丘中有隱士枯槁不可識渴飲潁川流饑餐首
陽栢薜荔為衣裳蘭湯沐芳憤庶庶戲左右爰
狄相牽媒朝引洪崖公暮延浮丘伯揚袂涉中

洲落英蕩桂楫我願從之游飄忽眇無跡佇望
立澧浦颺風起我側攬纒回故鄉白日忽西匿
感彼空冥鴻翻飛振六翮

谿谷饒冰霜幽澤多芳艸朝煙滋綠輝夕露發
青藻芬香披原塗弱葉亦俊好佳人殊未來繁
華易枯槁悲哉君子心綿綿在遠道歲寒見松
栢可以喻終老

高樓有佳婦窈窕青雲端左蔭綠桂枝右紉芳
澤蘭臨流戲珠浦拾翠游芝田蛾眉衆所妬時

郵集
卷之四
俗尚無鹽捐棄蓬蒿中誰來希令顏徘徊歲云
暮拂衣聊長嘆

驅車泰山阿梁父何崔嵬狹路阻且難車輪不
能回磊落百丈巖空冥千仞谿悲風從中來樹
木鬱森竒鳴鴉號我前能巖舐路垂四顧絕人
煙零露沾裳衣遠行多轍軻傷哉心獨違回思
駕方舟川廣帆檣危徘徊在中途執鞞思沈迷
僕夫疲以痛我馬復虺隤日暮隴阪長行將
安歸始知阮步兵痛哭各有為

征夫嚴風駕負羽即長衢天山白霧滿瀚海愁
雲紆日暮向何處西種藩為我虞前年雲中樓王
帥血漣洒胡騎從北來鳴笳間於旂今年遼陽
驚干城為獷狙桀驚我皇使髮奴縶長組險阻
掣重關氣蓋連東夷欲揮天馬搥指顧定邊陲
惜無晨風翼阻此風雲期奮身臨飛觀遐覘還
四區長城衰萬里上與浮歎齊耳虛聽刀斗目
竭迴旌旗安得楚雄劍揚鐔震天威塞門背捲
甲沙郡面渠魁緝安西鄙民扶持四海危掃清

黃池塵放馬華山歸喪元在溝壑馬革裹屍回

贈盧潭城二首

六龍推飈輪四運無停軌日春薄虞淵月朏昇
玉壘飛螢流雕甍微禽變玄海寒露被陵苔繁
霜瘁江蒞缺隙馳白駒人命易頽改亦松既渺
茫安期亦誕晦苟非青雲身焉能施後代鳳鳴
振綺輝龍飛薄霧靄步趾須芳林揚聲欲珍彩
豈維工雕蟲立心貴鼎鼐君懷璠璣姿輝光茂
真宰勗執勤令圖雲衢會相待

涼風越秋海吹我東階樹柔條歇芳輝密葉垂
豐露玉殿鑿凝霜金閨疊紈素念子居無衣薄
寒隱天霧芰荷凌晨宵雨雪恨遲暮嚴黍沐晚
澤青松挺陰沍尚父釣河濱甯戚飯牛寤天造
時康屯雄並疾霈霖雨貞觀詩書塲母為悲世迂
我希吳延陵寶劍非所顧敢義篤情親千里共
竒步

奉和王大伾侍御賦雞冠花有命輒和一首

東方有神鳥高棲紫霞山赤雲生羽儀列缺飛

雙翰據身蟠桃枝長鳴開天闕青都閃玉樞白
日照幽玄帝怒振威譴摧落頭上冠墮地餘仙
姿化為百花觀繁曲何逶迤茂彩亦螭蛇峭葉
滋碧輝墨粟含珠丹軒蕤若揚音壓撲迅衝瀾
窈窕信幽遐翩翩誠足誰歲暮歷凜秋霜華浣
其顏愧與卉草伍豈惟松栢堅金谷乞嘉靈梅
庭薦高賢左右娛樂意圖書生清妍無為長毛
質飛去終難攀

贈道士

雲靜玉虛敞霞明金闕深鬱羅樓祥煙中有長
生人饑餐瓊玉英渴飲華池津不笑亦不言綽
約含天真為問此阿誰渾沌即與隣元始覲幽
光鴻蒙揖清氛瞑坐合運會揚眉倏千春寄言
下世士尋茲入無垠

太子洗馬童公內方扈蹕謁陵有命輒作

春日曜陽景榮華何郁々崢嶸繁卉菲葳蕤紫
薇簇禁光信清遐蘭橈親直宿我君感雨露裡
薦信非瀆龍章翔玉璽鳳儀戒黃屋流雲滿靈

旂焮風夾飛轂鳴鑾發春渚迴旌陟山麓白日
麗蘭皋晨光清滙隩極一目甦神京祥煙紛四
皇心亦陽澤

聖孝
七陵簇秀毓人神愜歡情海嶽拱清穆

燁重光薰蒸浹九服豈云藐姑射盤游餌蓋惡
微臣諒薄劣揄揚慙尺牘願陳駑馬姿清飈侍
坤軸

孟龍川許送芸香不至走索兼以詩寄

管鮑古名士聲譽何輝燦夙期貴相親感激良
有託我亦慷慨人卜居恥離索山嶢望龍川颯
沓煙霧廓之子住翠微影響見灼灼作賦凌清
霄愛飲臨大壑翕張龍鳳姿偃仰猿獮矍東園
吟嘯臺愧如青天落馮覽望八極寰宇真空擴
仰矚明玉霞俯拾金光藥調嘯宛孫登清風振
山閣攬懷腐草質潛身在葦藿深夜撫長劔江
海環其鐔安得說楚王一揮萬人燦功成長揖
去與君尋溟漠溟坐焚芸香高名辭衛霍回看

九關門湫隘如大橐助我重然喏毋與世相攪
王大伾草堂五首并序

嘉靖己亥歲王大伾侍御築城南草堂成朱
明既麗時雨方歇兩山擁翠雙岬迴繞高臺
騰吹以承雲木客唱舞而赴節賓客搏坐羅
衣從風非有琦瓌之詞曷申厥羨因著詩五
章

三五已淪替霸王氣不全末流信顏奔至道中
復難賢哲叅時中奮志摩羽翰棲自柱下史託

興擬周聃道遠力即殉棄世復來旋

來旋自廣庭希世濯塵纓草玄合太始茗飲通

神靈物化在握紀周章游無窮漢儀委萬草魏

關寄鴻冥心閒理自得志澹物俱輕

物輕亦徜徉塵廓非我鄉誅茅遠城市結廬近

山陽前沼含雲澤後臺凌穹蒼萋萋礪谿草春

秋生輝光日暮會佳賓嘉樂陳中堂

中堂嘉樂陳紛華羅錦茵巴僮激清澂越女流

商音一奏驚回颺再奏生陽春中人莫云悟歌

者徒勞心所以重考槃永懷嘉樹林

嘉樹清且圓蔭彼城南田層枝棲孤鳳奕葉鳴
寒蟬幽人懷澹泊日夕獨盤桓桃李雖容艷早
落春風前何如主人樹茂育長千年

繫獄敬呈王大伾侍御李復齋工部丈六

十韻

乾坤日耀羶蚩尤薄雲際哲后振淮海應期拯
頽世金陵王氣鍾石頭雲影麗風收效威靈夔
龍掃氛翳奕葉三百年皇風紹帝系天子坐明

堂南面稱王制冕旒垂天光玉劍通霄霽太微
廊纖塵萬里見毛毳元默籍儒術恢紘資聖獻
宣室訪鬼神茂陵求俊藝大伾起伏龍南溟恣
洵滴行空作霖雨少答聖明惠辰趨紫微垣暮
拽青雲履抗効無中閣糾彈懾戚第上方斬馬
劍入目決雙背清戎大梁郊按轡于越洩聳身
一鷲鳥霄漢獨凌厲迴登黃鶴樓笑謁蒼梧帝
赫々江湖間高風捷虹霓東家李北海個儻執
英袂仙宦浮江湘芳聲播燕薊詔為滄水使寬

此漕會計䟽鑿九河空導流百川細三矢十萬
艘朝宗轉迢遞雍絳各一時泛舟同康濟至尊
假顏色徵入承明砌御屏䟽姓名金馬晚留憇
紫宸揚清氛飄飄借蘭蕙謔疑動明主懷玦各
長遊悵念平子詩頻流賈生涕懷沙一傷心採
蕨聊率歲僕本澹蕩人林壑憐松桂嘯棲巖岫
間疾與煙霞誓仰窺雲漢章自覺衆星曠不羞
鄰女顰竊效西施媼招隱小山樹聞經泗水澁
侯巴顧何人太公得溪詣揚公觀青天白日忽

西閉山海東南傾風波無停勢曾參却殺人蒼
蠅點錦幣改服南冠囚越吟從逮繫溲于當嚴
刑緹紫香難繼痛哭父母柩那憐兒女菴一門
如枯蓬超忽無根蒂塞予何途遭遭此鯨鯢噬
鸞鳳掩雲羅騏驥苦渣滓豈不思天衢誰能徹
懔菽發矢石飲羽揮戈日反焚精神苟不滅天
網終見貫用茲曠達心優游在塗泥閱書窮九
關灑墨橫岱嶠衡嶽疲夢想瀟湘見噴鼻有時
仙人來攜我游荒裔倒景不可攀條然墜煙壁

復爾清濁中詎能聞鶴唳慨彼魯連子調笑寡
儔儷能解聊城紛永鼓滄浪柅何辭涉中洲蹇
衣救淪替輾轉不得親徒為眈眈憂來復何
言書向南山筮

贈胡公入覲

天王大一統四海皆朝宗胡公躡仙蹕籍政聞
九重綰青瑤暉翦之雲從龍才力當代見儒
雅深彌縫瓊一以玉皇案落花何濛溶近時三輔
賢將耀此登庸願君勤明德早晚薦璧琮

贈故大同府節判魏張公祝入祠七十韻

魏博富才藪諸英斷幽顯金璞無留精虜豹澄
視眇文章兩漢際墨跡蒼頡篆妙賢信足激特
秀殊異誕張公真天人弱冠負婉變鳳毛何翩颺
孤嘯絕峻嶒矯然雲空翮似共扶搖搏遠器詎
可識棲栖但蒼畎腹存五經笥身與六藝卷林
孫禮猶尊毛公詩放行桃李垂映春蕪穢屢摧
揃庭草有餘姿園葵復開展李膺縣龍門侯巴
激繩勉有母老且貧負米不憚緬比堂或寢憂

視食臉必泣夜坐寧解衣晨興忘屣屨仲由晚
升堂曾參力親勸豈不懷曠逸所愧斯道舛操
觚赴風簷論議浮雲捲天地豈毫末萬物皆蠅
黽揮霍斷鵠劍絡繹如甕繭九河一奔決筆力
與深淺賈誼魁大庭却生逼衆選春雨濕荷衣
秋風醉華宴領教即同州文旆辭玉輦淒其燕
坐瓊寤莫公堂鱠盤中長首蕭衣上生苔鮮整
飭文字宗手足成宿胙乙科連佳士芳聲捷銀
扁銓曹籍哲行聖意親眷繼制可決宸衷御命

理東充淮南多賓客河間討墳典枕中鴻寶書
禮經得細聞其王似太宗英睿天潢演虬鬚夕瀟
灑席步遺芳躋設醴延穆生駢羅出禁嚮謹介
控豪俠揮金潔筐篋王賜金字牌旌忠古所鮮
為擢雲州判饋運百里轉甬道達交河軍聲赫
桓彌落日單于營秋風胡馬現漠漠黃沙積蕭
蕭大旗蹇頗似蕭相賢關中息餘喘武宗踐
祚初逆瑾恣驕蹇泰阿失金柄寶鼎竊玉鉉闔
奴事私謁日請太倉廩公氣時益振那避禍橫

胃按劍雄四視意欲鏹壘巘奸回沮顏色諒直
 非顧遣董卓卒燃臍李斯嘆黃犬乾坤掃氛翳
 社稷清沈酒解綬賦歸田衡門遠游軀王公枉
 駕過俛視若蝮蛇驂駟宜垂耳鸞鶴易摧殄汨
 沒漳水涯沉絕廟堂璉鳳雛翔長雲玉樹落蕭
 荒佳壻李光祿乘龍篤嫵婉後代乃賢豪森
 盡碧瑛道盛人難忘有司累交薦縣室列神靈
 雕檻虛壇墀窈窕映丹青煒煌雜黜堦春秋恪
 駿奔陟降立有覲玉貌雖匪殊德音誰能戩門
 墮歎分席飽聞弟子善夙期儻相親何必同笑
 噴哀贈起北風志遠懷淚若洗長吟璉露篇少謝
 蒿里餞久稽尋陽四號泣思徒跣伏枕纏捆拳
 挺身畏戈戢江海苟不竭筆削太史編

酬謝逸人四溟三首并序

山東謝榛茂秦嘉靖中以能詩為趙王客居
 荆邸嘗游跡燕趙梁宋間與余相知辛丑歲
 余坐誣繫滄獄則杳然莫知出處近有人自
 宋中來傳四溟詩集讀之乃茂秦所為者中

二絕句矜予極寬擬之禰衡李白之倫夫禰
李詩賦縣日月波雖死斯文猶存於世若予
業跡既隱又罹重法有說如山誰肯為余傳
哉因作詩三首用答其意若茂秦之得見與
否無容心焉

曹思美文翰歌詠鄴中詩招游七才子俱好相
如詞君隨鳧雁圃應教鳳凰池聊拂清霞賞尉
茲瓊樹枝胡為泛滄海令我長相思

謝客恣霞想揮手絕人群朝思北燕里暮宿大

梁雲海月照舞席澄江瀉清瀆遠游憇靈境奇

節冠秋霞黃鵠思煙侶長鳴向夕曛

李白謫仙才禰衡賦鸚鵡絨愁投夜郎掩淚赴

黃祖殺身揚綺芬高名播千古天摧白龍鱗雲

斷黃鶴羽感此遠謝君沉吟望梁父

讀謝明濱明水寺詩慨然有契奉寄二首

謝公躡石壁捫蘿入紫氛逸興滿吳會健筆凌
千軍英風邈誰傳明濱千載群憇游明水作臭
比芝蘭芬海樹建霞標鷺鷥浮江瀆恍然瀟相

思掛此鄒魯雲我夢忽見之重襲若玄纁長路
阻會面作詩識前聞愧無雲錦字持此慰殷勤
吳門發白馬皎如一匹練賢無萬里明馬能坐
相見君懷鵞鳳姿羽毛何翩絢朝游丹水涯夕
赴崑崙宴黃鵠遭雲羅戈人待珍膳三年不蜚
鳴寃頸羞絛錠忽聞雲空音仰首矚流電翻飛
無長風結思緬州縣悠悠復何言長歌泪如霰
重贈李子理

麒麟出魯郊商鉏為不祥向非孔仲尼何異犬
與羊所以路傍人按劍嘿夜光近時青雲士豈
無魯連子氣節苟不申甘蹈東海死世人聞此
言棄之如敝屣投君勿復道北風吹易水
送華從化省謁還章丘兼呈東魯諸公二
首

華大如小阮開罇衛水東金鞭揮夜月玉袖並
春風偃仰青天笑歌吟芳桂叢持余湘水賦留
寄與群公

南山綠桂樹春來發幾枝歲蕤持滿袖千里寄

相思月落清泉浦
風吹沙麓支晶爾
加餐飯徘徊別路岐

奉懷謝少谿侍御遷浙江憲副

橫海無凡鯉尺璧價連城
孤騫少谿子謁帝登承明
長劍倚竊踰步履蹋槐槍
至今霄漢上浮雲掛高名
何年辭魏闕翩獨南征
五峰雄天壁三江接滄瀛
日夕競秀綵紛輝迓霜旌
海嶠擬新作石門尋舊盟
戲弄浙江濤壯觀天地情
雖紆金紫貴常濯滄浪纓
遠宦兼隱逸而不塵

垢嬰聖代無遺豪
護龍皆公卿東山起安石
宣室延賈生為茲江漢客
彈冠及時清我身在羅網
想見昇天行懷賢一嘯歌
明月落前楹

贈友人歸別墅

綠楊漫垂舞擺動春風情
吏役甘作苦瓜期思田榮
尋溪觀游鱗出谷聽流鶯
別有漆園客長歌懷友生

奉寄河東苟侍御小川三首

金陵驄馬發旌麾
遶石頭霜風摧鯨鯢
明月漾

中流軼蕩六朝賢
簞楊崔李舟佳興
滿吳雲輝光耿
千秋我昔聞
此時交際增百
憂欲往一見之
天路窮阻脩瞻
望邈不及涕泗
長河流孤鳳棲
椅桐應龍游重
淵神物固有託
變化胡能詮為
是討幽客解組
歸山田石徑掃
行跡蘿衣拂紫
煙目送羅浮雲
手揮龍門絃道
腴物固小閒居
心悠然茫下世
士大笑奚足賢

屈原傳宋王子雲
鑄阿侯巴哲人多
啓迪講道臨河
涯至今江漢輝烟
凌朝霞風期託
深恩千載著名
家魏非桃李姿
焉能敷菁華俄
然柳生肘物化
終歎斜何由重
升堂大造裁淫
哇

秋日寄上晁春陵內翰五首

扈聖陟秘閣
整轡游文林
揚輝比密玉
許身偕兼金
神風駭八維
靈雨潤四民
濟登龍客
闈灑耀朱輪
承顏接玄談
浩氣如浮雲
回視阡陌中
涸轍多凡鱗
楊鬢鼓泥滓
而與螻蟻隣
不惜及雲霧
提攜入無垠

白門涼氣發
蟋蟀鳴庭闈
念此感物化
中心愴

已摧掩淚歸幽房
含情當訴誰
微風扇羅幄
明月耀雲崖
良辰亮在茲
容華難久持
佳人隔城闌
永嘆徒爾為

嘉樹何鬱鬱
南山桐與梓
柯葉苟不強
樵爨從茲始
天道良苦艱
甲第遺空壘
棄置勿復道
鉛淚徒瀰瀰
一身當輻輳
誰能慕鄉里
毒痛結我腸
願君察識此

瞻望大行嶺
還視長河陰
峻節何局促
變化孰能尋
大火流坤維
繁霜霑衣襟
澤潏沉水涓
松蘿罷長林
號獸走曠野
鴟鵂噉哀吟
志士悲凜秋
惋嘆傷明神
矧茲鞠幽客
悽惻固難任

夙昔游帝京
雅志好絃歌
師曠調清徵
湘靈鼓雲和一唱
再三嘆游魚
躍雙波
調高和彌寡
返駕涉滹沱
還顧望五原
殺氣橫嗟峨
勢欲掃龍庭
長驅出交河
壯心忽不偕
白日空蹉跎
歸來觸羅網
傷哉可柰何

孟龍川自京師旋為余言秋部李滄溟聞
寬慨然有脫囚之志因作詩四首寄上

滄海何淼茫廓然含太清餘波浸九壤萬象已
崢嶸化機詎可側聊觀天地情乘風徒空言安
得越蓬瀛

大華長松樹顛頽伐為薪東風恨來過枝葉暗
知春女蘿拽碧帶玄鶴窺丹津危顏倚窮石猶
恐剥蒼鱗

綠驥驕龍媒嘶雲噬蒼昊誰令服鹽箱西上太
行道伯樂一見之脫鞅恐不早回頭語紫燕報
恩期瑶草

晨起坐嘯嘆永懷在簪纓託風將情素吹落鳳
凰城聞鶴感陸機顧影憐嵇止願垂清鑑姿持
照萬古情

聞張鷟山侍御巡按甘肅比歲當還敬以
此寄上

漢葉奕千載中興氣益振離照撫萬方天狼避
紫宸泰階無纖埃青雲翊縉紳昊穹挺神秀應
期誕絕倫翩如鳳峙嶽矯若龍翔津鈇冠指嚴
威白豸行嶙嶙揆章失衛霍抗効無齊秦犯顏

一折檻奮世獨埋輪有時趨螭頭雙履躡星辰
風采動萬乘何言折大臣持斧出王郊揮策回
西巡將帥謁馬首武士騎鯨鱗亭邀苑嶺騎幕
遮輪臺賓羽檄夜交馳旌麾畫紛綸龍庭問白
日天塞生陽春萬古斥鹵地能令風俗淳命駕
旋直廬行瞻帝城闐黃華及使節東山傷我神衣
繡簪白筆再覩漢儀新竊從文翰場氣節凌秋
昊許身報明主圖畫驚麒麟此志邈難嗣傷哉
難重陳市虎遂構患曾參乃殺人冤頸在囹圄

日與囚儼親風雲凋壯志哀謝誰當掄明公主
天衢卓然持大鈞宴桓遇苗公脫難誠有因鮑
琳救伊吾曠世孰為鄰天地妙化育寧辭芻狗
仁傾誠望舟楫千載收沉淪

獄夜書愁敬呈吳少槐吏部

天帝一震怒貳負縛暝間石室梏西足仰無日
月攀我稽潯陽囚過之如玉闕妻女阻會面何
時復生還衛水東北流日夜恣瀟灑如何來枕
上化作萬行泪申包哭秦庭七夜救楚地掩面

今三年猶為蒿里質天命安可知長吟慰顛顛
書柳川弟壁二首

春風昨夜來吹此庭樹綠好鳥皆芳鳴紛飛繞
茅屋乘興坐花傍一飲傾萬斛日暮倒玉山歸
來卧幽獨如何東隣兒冶游矜華轂

衛川狹春游翩佳公子衣劍何照耀馳逐矜
鄉里我非楊子雲草玄常晏起坐觀桃李花秋
風亦云已

送張壚山明府轉戶部五首

銅梁張仲子割雞河水濱一朝荷聖眷白璧
照玄纁鸞鳳起孤嘯翻飛北天雲昭王親灑掃
遲爾勒功勳

慷慨國士遇投分知己恩一語已肝膽刎頸即
弟門何云明月珠吐之隋侯軒顧茲千里去輾
轉悲心魂

鬱之太行雲離之衛川樹啾之玄猿啼颯之鷲
鴻顧五月搏長飈將之千里路努力黃金臺相
期共天步

張公有神劍飛入延平津雄去雌空留灑血崩
龍鱗天路既云濶變化胡可親所以道傍子哽
咽雙颺輪

詔出彤龍樓官辭白馬縣落花飄雲旂英風緬
京甸欲射聊城書解此閩海戰去之復何言悲
歌振林霰

書懷投李篁臺外博

昔余江海思凌風恣天游回覽鳳凰臺薄行鸚
鵡洲玩弄潁水月吟嘯箕山秋緬想古人風飄

然不可求挾劍遠燕雲裂繻游皇州昭王去不
還金臺長秋草樂毅凌空談劇辛亦枯槁痛哭
九陌中迴颺起蒼昊六噫辭漢京三山事幽討
結廬太伾麓蒔之化黎水陽饒殮赤城霞渴飲華
池漿舉杯酬阮籍彈琴招稽康放浪期九垓枋
榆安足翔天造誠寥廓一夕生槐槍光芒動圓
象浩蕩亂天常南箕乃長舌牽牛遂服箱冥身
在貽憲夙夜守園土剥膚咸脛蛇刺心皆劍櫓
陰卧魂韞懇激視鬼偃僕日月將焉施胡不照

聾瞽父母荒殯階兒女死秋堵嘔血徒傷心斬
衣事終古悠悠九原思歷亂攢肺腑篁臺百世
士瀟灑落風塵談經施絳帳講道開河濱有時
瀉瓊珠萬斛光璘函鎔鑄能幾時席上羅佳珍
貶道理凡材褰衣訊幽谷煙雲忽一開婉如熙
春屋蹟面行嘆息力疾對芳牘覽聽殊未已猶
獲玉雙鼓強成啓口笑無復論羞慙感此忘形
骸片言通鈞軸願爾垂神光乘時慰賊蹈龍荒
如有詩萬里騎驢騶

秋日奉別王元美比部詳冊還京四首

送君沙麓野延望漳水濱爾登黃金臺我棲青
桂林雙鴈起前浦雄飛此在復沉相背一何速顧
念隔長雲遠眺石宮魏此在紫霄岑千里益相
思鬱悠傷我魂願言策高步圖畫終麒麟

爍々天上星皎々巖際月蟋蟀感夜吟涼颼淫
晨發山木既云蒼江楓亦已脫遙望百里間茫
茫但寥濶鴉鳴園陬虎豹步庭闕臨路別所
親悵然增華髮思心獨徬徨誰能為解結安得

瓊芳枝慰我常饑渴

清夜張宴會蕊李皆衆芳微辭吐
林蘭穆如清風揚東序理瑶瑟
西清弄雕簧長歌遏流雲四座
無高倡離思動顏色杯酒空激
昂悵望登高臺痛毒我肝腸

泛泛白飛鳧刷羽長河濤有如
客游子辭家遠留滯衣裳灑秋
風飄遙青雲履仰視霄漢間景
星何剡麗瑶光忽若遺棄我即
遠逝低頭空復憐白髮茲衰替
遲君報明主偃蹇卧松桂

奉贈李子于鱗憲副之陝西三首

曠莽龍首野巒峰九峻岑應龍
駕翔颺上下乘喻陰靈威施肇
榮五采絢相尋駘蕩誠足樂悵
念詎能任願希晨風羽招搖出
平林凌厲赤霄間翻羽待嘯音
神物固超忽棄我長河潯

崑崙萬里高海水萬里流感此
慷慨士飄飄順風游明珠多按
劍久玩知自孚蕭艾豈不芳蘭
蕪良見羞得志信須臾展旆西
石樓念波席上珍砾累行當收
還節沅晉間冠蓋前雲浮

鴻儒富華實履道固其常顏笑破秋日罄折如
 春陽有時發幽微珠璣盡輝光室中列俎豆堂
 上羅圭璋鳴琴一再彈清風惠時芳玄沉亮高
 節變化信無方瞻望濶璇儀悲嘯愁我腸

贈子青三首

燕客懷白壁別余長河洲杳若蒼梧雲飄落南
 天陬三楚彌芳甸九江接春流喟言游此地孤
 嘯誰能傳

贈別無婁顏臨風發長思魚鱗雙芙蓉上刻延

平字然喏輕一言縱橫託深意勿作羊腸悲且
 馳千里戀

衛川發白馬散下綠楊堤醉別關山月歌傷白
 苧詞樵江猿掛影皖嶺桂橫枝定有登臨興題
 詩慰我思

送顧聖少游楚時余將往金陵三首

春山送行子春艸惜離觴不盡孤雲意徘徊古
 道傍望之荆門曉悠之郢樹蒼此中滿高詠遲
 爾寄江鄉

迢遙巫山陽曾佇神女節君今過此地坐見綵
雲滅歲蕤瑤草芳窈窕地翠華結為我一致之沉
念紫煙別

君作楚鄉客我為吳會嗟別離在造次杯酒更
相斟鳥逝清泥浦猿啼白石林感茲無限意引
領各霑巾

宿蘇門山夜懷王龍池別駕有詩未就因

追之以此

昔登蘓門山獨發孫生嘯悵念青霞人披襟可

同調落月照林薄迴風吹海嶠相思轉陳跡俛
仰憶悲晷

適金陵登魏武讀書臺奉別李覺齋丈

魏武建雄圖虛視何壯哉祗今霸氣盡空餘讀
書臺登其覽四野蕭瑟悲風來餓鳥獵平楚寒
孤鳴城隈林木鬱蒼然煙霜日空摧咄嗟此山
川千載埋雲雷我亦慷慨人與君遠追陪酒酣
拂寶劍肝膽歷然開遙望南溟間鯨鯢滄波頽
相顧起叱嘯坐使風雲迴楊僕椎樓船聲名冠

野野集 卷之四 三十一
崔嵬富貴吾自取他人徒驚猜投鞭自茲去千
里騎河魁

寓譙郡宿魏武臺下贈羅汝龍

漢帝滅金鏡靈氛黯中原山川忽破碎海水日
飛翻蚩尤拓大旗時拂紫微垣奸雄竊神器霸
王氣并吞平其呈起嶒嶸西北眺陵園千載乃丘
墟秋風散雞豕爾來值歲暮感此摧魂魄託宿
茅屋下偃仰徒自論中逢豫章客夜半延青樽
酒酣起視笑酡然虬鬚微開口復縱橫歷之陳

萬言宛若黃河流湊淵決崑崙然喏在一時逸
氣驚鴻鶴遠望江路塞蠻烽照天門誓欲指雄
劍直斬南溟鷗而我豈不能與君同騰騫風雲苟
未合且復侶猿猿陰符掩玉匣寶劍藏塞罅拂
衣一長嘯高風振丘樊水流還大壑日晏仍朝
暎詩予乘景運一灑清海渾

別李希賢

譙城冬日白渦水陰雲霏與爾經別地相看泪
濕衣旅思隨鴈盡鄉夢逆潮歸芳草他時滿令

人寧久違

贈紹易殿下二首

鳳凰巢玉樹翡翠集炎洲自非鍾靈匹孰能從
茲游副君懋明德端凝無前儔動搖瑤華章光
暎西龍樓登高賦蘄薄愛士開瀛洲桃李散芬
芳圭璋咨皇猷佳遇良在茲清風安可全翻
魏公子千載誠足羞

撫劍發孤嘯振羽翔林薄西游古鄴城僂俛與
著作日夕侍彤廬凌晨登綺閣虬顏希再覲虎

變驚一愕謬承瓊珠音恍若煙氛廓感此國士
心屏營泪雙落駕言旋故鄉因風達魚鑰

冬夜汪北津郎中過瀆索詩因以此贈

霜霰驚嚴夕初月照林杪鼓吹入寒城雙旌來
遠道清飈何悠揚拂此幽垣草色淒以腓澹
蕩望春輝早晚矜餘顏永承瓊樹枝聊此奉微
音庶以昭寒微

過內黃宿圓上人講堂兼呈張沅洲太守

寶樹開五葉輪風發光綺圓公棲碧巖戒得清

連蕊延我諸天竺說法雙樹底玄談莽浩曠恒
河沙彌之十年始鏡澈澄心見秋水靜卧薜蘿
寒彷徨夜中起仰視天漢端涼月掛玉壘魂清
境亦寐萬慮俱頽靡顧彼下世士紛華競鄉里
何如虎溪客妙悟參禪理

冬日獵射畢同艾瑞泉從子擢挈酒藉草

生飲醉後作此

寒風吹林薄白日愴以黃呼鷹登高臺走馬碗
石岡狡兔起草間裂腦厲秋霜割鮮青山隅藉

草傳羽觴落葉入我杯細々波悠揚平楚正蕭
瑟感此情彌長雲中恣天驕胡塵暗邊疆殺將
屠我城主辱臣未僵徒令哂千秋何以慰遐荒
合當捐微軀雪恥左賢王

讀史

孔明昔未遇紇然守幽獨蓬蒿深沒人高風滿
山谷時來乘雲龍天人播芳馥三分割梁益伯
王氣始肅斯人已云亡千秋仰光躅感此傷我
懷臨風一痛哭

秋晚赴井汲水採野蔬供飯

衛霍富華屋原憲隱蓬蒿物理各有適而我甘
鴻毛靄々秋欲夕踈葉鳴林臯開門忘所事瓶
甕行自挑素縷汲深寒何用扔桔槔攬衣採藜
藿灑濯西城濠豈曰薦玉盤慰此饑者勞併日
偶復爾欣會忘紆陶歸還讀我書杳然青天高
俯察寒蟄唵仰視雲鴈翫萬化紛倚薄吾生安
足騷如何綺紉子丁失路增悲號

雙唐賈客詞

雙唐復雙唐白石何齒之笑殺新安江水深清
見底君家住新安松蘿帶翠巒年々隨海舶歲
歲客長干長干風色苦何如向陽武袖隱博浪
錘權輕萬乘主胡商自古雄多在塵埃中使君
儻未信請看陶朱公

贈董明府迎侍四首

皇阪多麟趾天池必龍翔明宰乘兩鳧列宿動
精光閉閣鳴絃琴沉思遠高堂嗷々林鳥悲悠
悠風木蒼撫枕夜五起慕愛結衷腸詎言何道

事白首飡黃糧

昊天列光景清輝緬赤縣少微垂高雲婺彩明
河甸眇々寰宇間習々祥風煽茲匪巨孝蒸孰
能撥靈變回頭語中厨大養非珍饌持此金石
開會膺紫泥眷

鬱々山上雲油々礪中微既彼寸草莖宛映三
春暉仕漢信亮節游楚傷方微物理尚可鑒遠
邇相因依陟岵揚哀音白華播芳輝藉以準時
哲千載將同歸

昔聞荀太尉白髮能孝養英風邈海隅至今復
清響鳳嘯必椅梧麟游非草莽託跡豈不然寄
心且遠傲合符一術間總轡萬事長所以不賈
娖垂聲得俛僮

喜艾子紹生子作此

天馬來何處本自濯龍媒蹀躞關山道黃雲萬
里開歲晚將名駒矯々非凡材長鳴噴綠雪嚙
膝眠紫苔神駿一何爾倏忽遺纖埃異時獨不
見飛上昭王臺

題王龍池彭錢圖兼壽其嶽東谷

安期留玉舄王喬御飛鴻
壽命偕元始精神茂
華嵩展玩瀟湘幅愛茲方
瞳翁焚香紫苔石揮
手白雲空六龍且按轡
乘汝游無窮君家泰華
老意氣與此同身騎綺
鳳凰飛出秦王宮三月
初度時簫鼓迴層穹環
珮出洞房清切鳴玲瓏
既稱瑤池飲亦薦嶠家
熊佳哉良宴會千歲成
始終持此丈人意遠謝
石樓東

寓日水石藤樹人物

青天出片石古木垂寒藤
下有太古士姓字不可
稱瞑坐游九垓元氣隨
所乘恐是無懷民縣
車避朝激人生苦勞役
視此將無懲方為槍榆
鷄何羨天池鵬

陪成臯王太虛觀齋居感鶴至

夏后騎兩龍上下扶桑津
青陽登帝臺俛仰觴
百神張樂豈洞庭感召
即精禋玄鶴西南來盤
舞紫霞宸清響落雲間
指顧環河濱重華未云
邈大孝方此倫

鄴下贈吳山人聞官軍與倭戰不利

慷慨燕市歌蕭蕭、易水風至今多感激嘗摧壯
士衷鄴中逢吾子正值風塵裡劒歌為爾開一
語肝膽是西北戎馬喧東南海水翻爾我俱草
莽誰能期報恩白馬河上馳翩翩、欲何為三軍
氣已死主將無復知君有魯連箭赤羽不肯見
請為約矢書一解聊城戰

送吳東石還蘓門

少年負意氣六谷游長千里八月秋風高揚帆下

江水江水復悠悠、送君臨清州
臨清花月好錦障帶珠樓誰家妖冶女
彈箏日歌舞忘却湖南商無復相思苦
相思能幾時還家定有期庭前芳桂樹
攀取最長枝隣兒問野叟椎牛勸美酒
夜深起相視君鬚近長否輾轉東原游
思君不可求魂夢一見之多在石湖頭

重寄內二首

青山橫東廓白水流城西欲濟微舟楫
緬眊少丹梯唯當見明月相思俱沉迷
此時遙相望知

五
五
卷之四
三十九
汝流玉啼浮塵暗芳鑑蛛網生蘭閨一身在罍爵
八翼垂沙泥汝非蔡琰人長跪解羈縲好為小
兒女傾心聽天題白日有透光出雲還舊谿會
面秋風前勿作頻酸嘶

天運無停機陰陽多反復起家籍儒術願汝佇
金屋詎云罹羅網鸞鳳各離群鹿門邈難嗣舉
案徒空聞羅幃歇春風玉砌生芳草覩此傷朱
顏誰云未成老重闕不相見無柰別離心精神
此間隔何啻結重衾作書謝并二人淚濕瑤華字

青鳥一致之為予問顓頊

七言古詩

奉答楊六坡推府隱居見贈并序

余讀書浮丘山性癖山水負烟霞之疾嘗披
覽匡廬圖跡巖岬之盛侈有飛志遐思飄然
如在五老峰下雲蘿翠壁掩翳錯疊左右外
視形骸不知我為何如人蘧然也因慨然
太息天下高明之士何限物相羈鞅其誰相
與放浪天地之外眇萬物俯八極瞬息古今

包含宇宙也哉嘉靖乙未固原楊六坡以大
 名推府謝政卜居浮丘之樊治亭榭花竹水
 石與壑人相往還余每過之便有高興佳作自
 謂匡廬之志雖未即遂而談玄吊隱亦足以
 渝洩一二盖吾人胸中自有山水何必攀蒙
 茸躡屨巖而後為高致哉辱六坡草堂詩見
 贈遂援筆奉答聊著雅尚若木瓜瓊瑤之報
 正不必論爾

我昔住青都玉樓揚紫氛靈妃散天花把弄坐

層雲肌膚瑩、婉冰雪孤嘯常隨鸞鳳群閭闔
 常辭九萬里帝樂仙音那可聞失意山中尋瑤
 草白雲引入天台道桃花流水非人間碧梳彫
 胡待終老遙望匡廬歎九天屏風九疊石磴旋
 香爐返照赤霞晚雙劍迴空白日懸雲霾四塞
 龍席睡嗟峨一逕猿猱前陶公煉液呵赤電李
 重還車躡紫煙長揖謝世恣同往綠髮方瞳列
 上仙青谿卧聽松風歇起向山中弄明月獨立
 蒼茫望九州漠、黃塵毀金骨聞君獻賦長楊

宮飛章絡繹四海雄光輝燦爛動明主天書降
問恩隆崇風塵佗僚解圭組歸去滄浪作釣翁
結廬小傍浮丘麓幽洞巉巖蒼翠簇清風臺倚
金露寒白石橋連水清泐當堦竹引鳳凰毛背
戶青松走麋鹿婉如匡廬落我前便欲因之借
休沐夫子值此格氣稟秋來興與南山高寄我
五花雲錦字讀之飄然若雲翱自慙才非廬照
隣敢與楊炯為伍曹想廬千載各一時異代風
流如有期為君倒囊彈素琴清商繚繞陽春辭

歌罷拂衣五陵去明月青山湘水湄

秋夜望雲旅懷

秋來五色雲在眼浮花蔓草相鮮新天空似是
巫山繞日暮更與銀河臨凭欄久望待不至條
忽變化蒼麟麟滄川冥冥在何許我意乘此尋
歸津終然翻飛不可去棄我還從銅馬塵

贈別李性菴還任丘

燕郊十月飛胡霜臨岐送子各盡觴腰間笑解
延陵劍雪花墜地蛟龍翔都門佳期那可顧相

思開遍三花樹歸時倘遇浮丘公為予接引嵩
高去

送崔秀才南還

孟冬送客臨沙浦蕭蕭風動薊門樹
驂馬啣轡不肯行一鶚南飛過天柱
燕臺擊筑且高歌青樽酒盡紅顏酡
五更鼓角星野平看汝騎馬凌天河

長歌送王翰林盱山還保定

國門識君與一君遇夢游十度攀花樹
朝寒李憑

彈琵琶暮宿倡樓聞曲度燕臺草色送春袍
小苑花枝轉葡萄柳色偏濃金殿露
鴛鴦聲醉殺後宮桃白馬翩過戚里
笑指落花雙燕起遨遊不數新豐兒
調笑寧知太宰齣別去開樽重酒
籌春詞臬府倍堪愁白雲自散蒼梧影
明月常懸彩鳳樓

贈別南田楊子還晉石并序

十五年余游京師馳翰苑獵文囿
延師士之肆游軼冀野窮覽燕墟曰壯哉帝王之居也

迎攬轡西市遇晉石楊子景新與之論皇帝
王霸之要雄姿風發鼓劍悲歌慷慨泣數行
下於戲士之負傑烈不羈之性曠世相感一
至於此哉今年秋楊子還晉石因作詩識別
我本衛川豪君作燕城客意氣各千里相逢在
燕陌燕城燕陌跨京華青烟作帳銀為沙五侯
龍馬耀金鞭蒼螭寶帶屈盤架層城日出歌鐘
起繡戶朱箔幌羅綺遙憶夔龍集鳳池亦知衛
霍矜戚里笑倚青萍劍恥上黃金臺昭王非帝

曹樂毅自凡材燕丹空有心荆卿徒悲哀白虹
沒長雲易水不能迴瑤華翠葆浮雲沒錦石雕
甍秋後伐古人已見覆蒼苔今人空對西山月
西山月出宮殿寒坐愁白髮驚飛湍風雲萬里
不相詩白義垂耳蛟龍蟠雞鳴開九關天狼若
可攀勢欲請長纓擊胡燕然山長纓繫胡心不
朽君去青山但揮手落日天風吹海波月明來
勸一盃酒酒中慷慨樂事無據地酣歌玉唾壺
晉石山川為君迓千巖萬壑來長途往日春光

懷我處奇花不盡相思樹葡萄露下餘空醅終
日待君那能顧滄洲今已暮瑤草不知路欲乘
黃鶴一問之為予淨掃南田霧

留別馮少洲進士

春風吹綠雪湖水生微波與君上河梁攜手哀
情多此時客意難舉觴道傍楊柳鬱金黃欲折
一枝留郢客柔絲冉冉斷君腸斷君腸勞君顧
離思眇青山暮青山暮了傷我心我車南還
執子矜贈爾愧無英瓊瑤倚馬聊為梁父吟

送友人南還

鳳凰樓外雲氣長青袍白馬生輝光送君千里
促羽觴鳴箏清歌如故鄉相思明日忽分手誰
把青驄繫綠楊

送人之塞上

北風瑟瑟胡馬鳴君今棄我何遠行陰山雪花
大如掌黃雲出沒單于營萬里龍沙那可見將
軍大小七十戰捷書奏入建章宮寄我雲中一
隻箭

贈孟龍川二首

季布竟何罪緝捕構千金介身胡越間南北任
淪沉託跡魯朱家髡鉗奴僕心英風豈不特所
思禍患侵主人誠多賢脫難青萍鐔權門一命
輕鴻毛三士殺之費二菴虎畧詎能讐國難龍
泉一日成鉛刀人心如風波凌徑眇難度適此
血玄黃雲雷何霽迺思君君饒渴引領望瓊樹
瓊樹瓊花別有天迴風吹雪繞龍川相思遙寄
藤蘿月洗濯輝光詩我還

又

白龍魚服游滄海豫且鳴絃不相待洪濤一悞
失精靈耐可乘空許真宰海水東流渤澥深風
雲漠漠杳難尋憑誰借與升斗水飛上青天作
帝霖

五哀詩五首

學士抱執博綜典訓效業而弗鳩建辭而弗
賓父殯母隕未就窆窆之事室饒而病二子
交喪而不獲永訣待死園室哀孰加焉遂作

五哀詩其辭曰

有父有父濯塵纓棲栖遠在滄浪濱樵蕪不避
芸且畊春泥秋雨淇門中泰山嶢嶢忽頽墮怒
豕啖熊立向我蓬蒿一望盡烽煙高樓喋血宵
滂沱嗚乎一哀兮歌始發青天黯黯沉明月

又

有母有母思晨軒蕙帷縞帳泣且漣蒼梧眇在
白雲間臨江哀竹心悽然慈闈一夕歸明月怨
恨千秋那可歇何言寸草報春輝號涕苦廬毀

筋骨嗚乎再哀兮歌已烈皇天為我開金石

又

有室有室在衛鳩蓬髮連螭守空堵浹晨不爨
井泉苦布衿如鉄冷秋雨高堂灑掃心魂摧金
華翠鈿空塵埃良人欲委長城窟此身早晚隨
寒灰嗚乎三哀兮歌彌長寒風四起激清商

又

有子有子驕且冲西兒如玉垂瓊英花翻蛺蝶
純結叢意態婉婉雙寘鴻阿爺啣冤在網柵汝

東野集 卷之四 四十六
心長望成永隔棠樹那忘白玉環夢魂哭汝東
山陌嗚乎四哀兮歌正苦回風蕭颯吹庭樹

又

有客有客號秋旻十年不得逢陽春柴門反鎖
黎水濱前朝屈宋寔所親阜棧連翩淹驥足出
門十步九羈束燕郊六月飛胡霜漢史終然恐
失續嗚乎五哀兮歌聲哀長江東遊流酸嘶

保定見留別

沙麓風塵暗河縣漳水東流疾於箭落花別圃

誰可憐南去北來一秋燕汝曹自是中山兒垂
首天雉識君面意氣相期何有無分首一言淚
如綫南山峽岼秋氣高似與君情同縑春明蒺
騎馬涉滹沱長歌遠贈北門餞

春日後贈王任菴五湖昆季

春日澹靄西日微浮雲流水爭光輝一雙白壁
動燕趙光搖海宇青煙霏早聞妙譽今見之酒
酣大叫心思飛幾時携汝尋滄海明月清風一
釣磯

七夕

銀闈含秋星欲爛天孫脉、度河漢仙鬟玉珮
那可聞佳人夜半開簾看階前月色起有霜獨
坐穿針向畫廊東方日出烏鵲曉天上人間枉
斷腸

送醫友還山

洛陽買公畜逐世貧金華藏名四十春歸來浮雲
變城郭矯手落花輕拂巾堂中會飲還賓友低
戶雲光散罇酒暫乘白鶴謝時人會向山頭一

揮手

九日寄孟龍川

憶昔登嘯臺蕭瑟湖海秋酒酣迴舞袖拂落葉
柘洲青雲動蟹螯白雪霏金甌兩邊坐笑如花
妓吳趨白紵飛清謳戢翮入牢籠忘却山陽道
菊花為誰開沉憂日衰老此日長吟獨憶君峴
巖歌壑掩浮雲何處龍山堪落帽風流醉殺孟
參軍欲託雙鯉魚錦字寄滄溟願君細嚼茱萸
蕊壽比南山千萬齡

寄謝逸人四溟二首

漢京詞賦多風雅前擁鄒生後枚馬四溟旅人
興最豪馮軒落筆長河瀉醉中一別十經秋落
葉翻、嘆白頭思君恨無黃鵠羽涕泗遙瞻滄
海樓

又

海水飛動凌三山巨鼇出沒流其間人生風波
有如此颯之秋風凋玉顏魯連自是紫煙客侗
儻長揖二千石一朝談笑解聊城東入滄溟眇

無跡

寄汪員外南華

海若東游沒海濱白魚况非白龍鱗豫且鳴絃
偶相值卧看鬢鬣飛黃塵謝君瀉與天河水乘
之免作涸轍鯉他時雲霧或晦冥海底啣珠報
知已

襄國飲鴛水野亭奉懷張壚山明府

秋盡野亭鴛水陰平沙落日青楓林寒花爛熳
不自愛霜風一墮柴門深我來對此沉吟久况

是廬山別離後何處浮雲晚未還散愁且醉襄
城酒

贈李山人

朝登崑崙丘遙望煙雲海三山徒渺茫六鼇今
安在昔時中山衛州卿身騎白鹿游紫清仙人
一去不復返霄漢空縣千載名白日無回輪紅
顏易頹老何如恣天游山川事幽討萬里擔簦
尋真髮烟水漫漶幾超忽乘時小憩蒼梧雲因
風復弄蛾眉月蛾眉月出照海湄夢裏猶聞猿
鶴悲傍人不識君所為白馬青袍一笑之君胡
不解清溪蕞示以瑒鏘五嶽辭

贈張長公鳧墩五句四韻長公割股愈疾

蜀山萬里青雲迴鳧墩縹緲超浮埃霜刀一拂
金石開清風獵獵不可見憑高西望心鬼摧

再贈張雲谷

僕素聞雲谷自旅次與之靡談遂神醉宛若
登羅浮涉洞庭泛彭蠡尋益門雲霞霭映風
思飄然蓋竒遇也已同謝四溟田莘野約為

小律今不暇待先作此見情云爾

昔聞金陵地乃是帝王州冠蓋六朝賢名與青
雲浮往事千年不可道別苑離、長秋草酒中
慨此復霑襟落日翩翩送飛鳥今時再見金陵
豪白疊小側薜荔袍凌風起舞鄴城月長呼興
比南山高四溟情同五嶽雲莘野詞流三峽濤
雲谷此時發意新開卷調笑如有神萬里煙霞
起胸臆驚翻白鵝翔麒麟飲我催詩酒倒却頭
上巾君身孰與儔似是洪厓隣早晚笑携盧敖

去坐看滄海成埃塵

登西城嘉禾樓重送張壚山赴部

高樓西望縈空煙南風渺、吹河船碧沙細艸
遶相送一夜飛過黎陽川驚魂如縷隨君還恨
無雙翼凌青天魏闕霾陰雷隱怒灞水橫波不
可渡此時揮手重堪悲千里相逢未有期燕臺
倘值悲歌飲擊筑先尋高漸離

送李滄溟太守入覲

襄城太守濟南客夜發雙旌搖海月城頭箕尾

超天河城外征人吹曙笛父老扶杖前致辭太
守此去人皆知內史親傳大官饌野人共拜甘
棠祠黃霸功名何足數公車詔入鳳凰池

送陸羽府夢洲入覲

爾時登眺黎陽山松門蘿徑窮追攀昨夢巖花
散幽色彷彿百里開心顏覺來欲泯無時閒思
君玩弄雙瓊環天寒日暮愁寒產漳水橫波龍
轉眼浮雲比向但高旌海嶽驚看壯此行異日
層霄不可望好將書寄鳳凰城

雪霽後過周紫泉山堂

紫泉山堂在何許衛溪東岼蒼山麓青松偃蹇
雪意寒孤光晚映琅玕竹紫泉調笑宛在目亂
雲竒壑相縈觸我欲於此傾醺醖開襟醉卧青
山屋絕境幽森不可留野狐夜叫猿嘯秋別去
長懷紫泉客滿林楓葉吟颼

詔獄結後書情敬呈王龍池二府兼致謝意

蓬萊出海底金銀樓闕浮空煙蓬萊仙人與我
語授之赤明玉字瑤華篇長跪讀玉字五內

金蓮欲持紫腦訣常從上清仙上清一去無窮
已回風吹落長河泥晚將詞賦上燕京遂使明
時笑巴里北闕風雲不可期歸來小卧青山垂
竒峰秀壑常相隨千巖度盡松風吹馮高把酒
叫明月桂魄蟾影皆參差醉尋劉伶頌醒詠阮
公詩泰山雷霆何足有淶水洪波可戲之烈々
雲間鶻脩々蓬下鷄何意見相猜惟此血吻患
羽毛灑平蕪骨肉不敢盼園墻一去幾時回
花坐見十三開青春憶月秦人洞白日呼霜夏

后臺我欲乘風震天鼓前擁修蛇後禦猱九江
濤湧未是哀太行輪摧不言苦東海陸公真神
明決垣培鎖縵長纓古泉揚馬連章入制可始
放南山耕生來感此國士遇何限千秋萬古情
入門一笑復何有女會縫裳妻白首竈下尺薪
貴於玉盤中粒粟皆瓊玖惟有牀頭劍鋒在夜
夜精光射牛斗射牛斗詩張華神物詎肯終泥
沙不然飛入延平津今者蛟龍昔鑿鄒鑿蛟
龍孰可判明公義氣通霄漢爾時我為八幕賓

贈之豈惟青玉案霞杯綺食飽我心至今側身
倚增嘆東風嫋々沙草春衛河綠水波龍鱗欲
將輕棹尋仙館其柰楊花滿河瀕楊花不可亂
河瀕不可極待余攝衣起舞龍門前坐客滿堂
驚太息

羸女鳳圖

秦臺明月下照見乘鸞女玉簫聲不聞絨情空
復許相思何處憶離群欲報佳期隔綵雲懷中
知有瓊華字夜々清光獨映君

送郭侍御劍泉謫永安松栢圖

蒼巖鬱々長松樹石甲龍鱗挺天霧雨澍霜沆
纒百秋似與君心同歲暮君今謫宦永安城閩
海愁雲日夜生會詩明時宣室詔定從江浦望
雙旌

春夜與吳山人飲穆前江宅招妓彈琵琶
不至

我昔弄月沅湘浦靈妃飄風鬼灑雨遙看江上
數峰青寶瑟如聞心更苦春風小落前江家高

開玉燭燒殘北堂青蛾何處不相持北堂一曲空
琵琶琵琶聲已歇空餘胡地月黃雲塞前水北
流霜風夜嘯猿狖秋古來蟬鬢已霜寒何令此
夕獨生愁不如與君飲美酒披襟一笑輕王侯

贈陸夢洲古琴兼以詩寄

朝讀夢洲書暮望夢洲樹思君不見金陵向夢
中遇遺之綠綺琴不語可知心早晚弄君徽為
宣白雪音白雪陽春古所稀自憐素髮老柴扉
乘風寄語豐城劍看爾輝光激太微

